

H. I.


1671.






594871-  
-594888 II  
Mag. St. Dr.

6. IV. 11.







Epicedia,  
Piis manibus  
*Lectissima honoratissimaq;*  
FÆMINÆ,

ELISABETHÆ  
SCHWALGIANÆ,

VIRI

*Excellentissimi, Consultissimi,*

Dn. SEBASTIANI HEMPELII

J. U. D. eximij, & S<sup>r</sup> Regiæ M<sup>ris</sup> Sveciæ, ut &

Illustrissimi ac Potentissimi Principis ac Domini Dn.

BOGISLAI Ducis Pomeraniæ &c. Clementissimi,

Consiliarij fidelissimi, Conjugis qvon-

dam dilectissimæ, desidera-

rissimæ,

*Consecrata*

â

*Condolentibus.*

---

STETINI, Typis GEORGII GOETSCHII.

ANNO 1636.



ELISABETH  
SCHWALGANT

Dr. SEBASTIAN HEMPEL  
I. M. D. 1783



594885

II



**I**N cœlos abiens *Conjux*, Amplissime Doctor,  
*Elisabetha* cor est frangere visa tuum;  
*Elisabetha*, Tibi quæ credita summa voluptas,  
Et sperata Domus fixa columna fuit.

Cordolium fecit, fateor, praegrande; sed audi:

Filiolam pro se moxabitura dedit.

Hæc tibi denatam referet virtute probisq;

Moribus: Hæc luctus molliet usq; tuos.

Tu capelis animum, vir magne, & tristia verbi

Nectare divini dilue cuncta. Vale.

*Testanda observantia & Condolentia causâ facieb.*

M. Martinus Leuschner Duc.

Pæd. Stet. Rector.

---

**H**eu! latum nuper quæ fecit prole Parentem,  
Tristem nunc Viduam præcoce morte facit.  
Quæq; puerperû persuncta laboribus edem  
Visebat, grates persoluendo, sacram;

Mox novus hanc morbus fervoribus urget acutis,

Et necat, & gelido dat tumulare solo.

En subita miræq; vices! Ita proxima semper

Tristia sunt letis, & mala juncta bonis.

HEMPELL, deinceps etiam fore, crede, malorum

Latorumq;, DËO distribuyente, vices.

Nam tibi solamen post sævos IPSE dolores,

Et grave post vulnus pectora sana dabit.

Observ. & condol. Dn. Compatri &

Faut. declar. caus. f.

M. Heinr. Kielmannus Viennens. Gr. Ling. & Poës. Prof.

& ConR. Ducal. Padag. Stet.



**N**on dolor major perhibetur esse,  
Dira quàm Mortis rigida tyrannis  
Si fide sancta duo conjugata  
Corcula solvit.

Interim sed nos tolerare quosq;  
Ut decet casus: ita nunc beatam,  
*Magne Vir*, mortem properam maritæ

Ferre memento.

Nam DEus donat; DEus ipse & aufert.  
Cepimus quando bona, sustinere  
Et malum fas est. Benedictum *lōva*

Nomen in ævum.

Hic, precor, sacro quoq; flamine adsit  
Et Tibi, & cunctis, malè quos habet nunc  
Tristis hic casus, tribuatq; Vobis

Prospera quæq;.

Ξυμπεριθῶν ἐχθρῶν.

M. Ericus Pelshofer, Duc. Padag. SubR.  
Eloqv. Prof.

---

**L**ecta Tibi, dilecta fuit, jucundaq; Conjux,  
Qua Genus & Formam, quæ pietatis opus!  
Lecta Tibi, selecta fuit, fecundaq; Conjux,  
Pignora pacifici quæ speciosa Thori!  
*Hempeli*, Themidos Custos & Mystra sacratæ,  
Consilij pacis, bellicisq; potens.  
Hæc Te cum Thalami privat Consorte fideli  
Mors inopina, animi Te gravis angor agit!  
Te gravis angor agit! Te mœror lancinat æger!  
Te fœdant lacrimæ! Te cruciatus edit!  
Te! sed quid torquent mea verba pathetica pectus,  
Cui nihil est, præter dulce levamen, opus?

Morta-



Mortales nasci mortali semine nôsti?

Mortalis Conjux nataq; morte cadit;  
Morte cadit: Verùm Christò revocante resurget,  
Coelicâ & æternos vivet in arce dies.  
Lecta Tibi, dilecta Tibi, jucundaq; Conjux  
Qvæ fuit hîc, ibi erit (credito) lecta magis.  
Ergò modum nimio mœrori ponito: Conjux  
Jungetur cœli rursus in axe Tibi:  
Fiet ubi solidus, qvin perpetuabitur ille,  
Qvi fuit hîc fragilis nec diuturnus, Amor.

*ἡ γαμήλια καὶ συζυγία ἐνεκεν τ. 1ῃ, fecit*

M. Martinus Bambanius P. L. &  
Sch. Sed. Sen. ConR.

---

**S**Chvvalgia nata fuit tua conjux, *Curculio* amore  
Dives, Lux thalami, docta Magistra domus.  
Hempeli, Doctor cultissime juris & æquæ  
Arte, fuit tantum præterijtq; bonum.  
Conjux Conjugij nexum dissolvit amici,  
Et metamorphosin cor subijt miseram,  
Lux thalami deleta jacet, Virtusq; probata  
Conciliare sibi non valet inde Lares.  
Infixa hac cordi meditatio possit honorem,  
Quæ huic addo libens, posthuma vota mea.  
Accipe, Christe, tuam Servam, nec perde redemptam,  
Quanti vis precij! sanguine in innocuo.  
Quæ tuo verbo nunquam contraria visa est,  
Quæ fuit pariter flumine mersa sacro.  
Quam non rejecit sacra Communio mense,  
In vitâ aternâ participetq; cibum.

**Pac**



*Hæc cum Patre suo reliquâq; propagine gentis  
Eximia gussset gaudia plura poli.*

*f. ex συμπαθείας Christianæ affectu*

*Jacobus Möllerus Coll. Sch. Senat.*

---

*Allusio ad nomen piæ defunctæ Matrone.*

**Q**uidnam flere juvat conjugis optimæ  
Secessum ad superos, fataq; prospera?  
Queis, ceu nominis omen  
Designat, requiem poli  
Invenit placitam, libera jam malis,  
Hempeli Themidos Justitiæq; lux  
Et Dux inclytic, conjux  
Sedes nunc superas colit.  
Hæc postquam vario turbine & impetu  
Sat concussa fuit, singula jam mali  
Solatur mala mundi,  
Illam commodior locus  
Felicem excipiens hæc levat omnia,  
Mens exultat ovans in manibus Dei,  
Vah quæ gaudia sentit  
Nullâ re violabilis!

*Debiti honoris ergo condolens fundeb.*

*Thomas V Vismarus S. S. S. Coll.*

*Descen-*



**D** Escendens nuper CHRISTUS de monte, leproso  
Et paralytico opem fert medicante manu.

Tollit namq. lepram, tollit paralytin inertem;

Leprosū & Mystas mandat adire sacros.

HEMPELI, Themidos Cultor Clarissime, Conjux

Dum moritur, quò animò, pectore quòve feres?

Tu de monte poli venientem respice CHRISTUM:

Uxori Medicas obtulit ille manus.

Turpis dum lepram peccati sustulit, illi

Æthereæ sedis regna beatâ dedit;

Qua mala nulla, lepram nullam, certamina nulla

Noverunt, miseram nec paralytin habent.

Hanc CHRISTUS lepræ mundatam sordibus ultro

Cœlesti sistit sanctificatq. PATRI.

Elere quid ergo juvat? CHRISTUS bona pharmaca cordi

apponat, ludum qua relevare queant.

Ευμπαγεων εγ.

*Adamus Rubacus Pomeranus.*

**Q** Vot, mala mors, dulci conjunctos rampis amore,  
Expellens animas corpore falce pias?

Qvos sincera fides, qvos vincla arctissima jungunt,

Pallida disjungis bestia; sternis humi.

Matre piâ sobolem privas; Uxore maritum,

Urnae das omnes; pharmaca nulla juvant.

Sic, Vir Clare, tuam mors abstulit invida costam,

Solius arbitriò, qui regit astra, DEI.

Mortua quâ corpus, mentem manus ardua Christi

Servat, humus gratâ membra quiete fovet.

Non igitur caussam video, Vir Magne, doloris.

Felix, in Christo qui benè finit iter.

Ex verò & lugubri Adf. adp.

Joan. Christoph. Hagemeister, Pom.



# EPITAPHIUM

ultimis p. d. honoribus consecratum.

**C**ui, dum vita fuit mortali in Corpore, vixi,  
Huic, dum vita fugit, nunc Ego vivo, DEO.

In veræ Condol. tess. hoc adp.

*E. Hohenholz P.*

---

**M**ors parcit nulli, & mortales abripit omnes,  
Nullius est nec erit mors superanda manu.  
Hanc non forma movet, nec virtus inclyta flectit,  
Ut ponat rigidam pectore duritiem.

Nos omnes morimur; dura lex aspera mortis  
Debita natura solvere quemq. jubet.

Non Cæsar, Princeps, nec Rex inventus in orbe est,  
Quem sinceri tristis mors superesse diu.

Hoc satis ostendunt Matrona fata suprema,  
Cujus jam gelidâ membra teguntur humo:

Hæc quanquam Matrona fuit virtute corusca,  
Illa tamen mortem vincere non potuit.

Sic placuit Domino, Domini nomen benedictum,  
Rex superûm clemens evocat orbe pios.

Felix, qui sanctæ vitæ defungitur, hæc mors  
Non damni, lucris causa putanda boni.

*Condolentia ergo fecit*

MARTINUS BRINCCIUS

Sedinô Pom.

---

Dialogus Paræ & piæ Defunctæ.

Parca.

**C**ur ego desistam, mandatô munere fungi;  
Aut, cur contractô deponat spicula ab arcu

Mors

MORS falcata sub? sic te placet ire sub umbras?

Defuncta.

Me licet umbra tegat, quæ fumus, phlegma, cinisq;

Mens tamen Eoa conscendit umina sedis.

Quæ mihi longævos optarem Nestoris annos,

Quam DEUS aluitonans nunc in meliora locabit?

f.

Ludovicus Jacobi Sed. Pom.

---

Pater quæribundus.

**H**Ei mihi! quid merui? mea quid dulcissima lecti

Pignora? quid fidi promeruere Lares?

Talia quod surgunt inimici nubila fati,

Quæis contristatus stat Torus atq; domus.

Heu domus infelix valida subducta columnæ!

Conjuge denatâ, vincula rupta tori!

Me miserum! adversæ qui jactor turbine sortis.

Quæ cordis potero vulnera tanta pati?

Mœstô filiolas animô revocare parentem

Amissam video, flere, dolore nimis.

Hinc quæror: & nimius præcordia mœror adurit,

Dum Gnata pergunt imbre rigare genas.

Filiola plorabunda.

Quid truculenta mali nobis, ô Morta, parâsti?

Dum matrem à nobis prorsus abire jubes.

O scelus infandum! mediô sub flore juventæ

En nobis Genitrix optima surripitur.

Occubat heu mater, quæ nobis, quæq; parenti

Tempore adhuc longô vivere debuerat.

O infausta dies, quæ Mors crudelis inussit

Tam durum Patri filiolisq; malum.

Adfines consolabundi

E

Heu



Heu lacrymæ, gemitus heu quid? Clarissime Doctor,  
Noli filiolas discruciare magis.  
Vulnera dira tuis membris inflicta fatemur,  
Quæ tamen, ut fas est, sunt relevanda tibi.  
Triste malum Gnatis charæ jactura parentis:  
Sed DEUS ille Parens usq; manebit eis.

*Dolens scripsit*

Joachimus Schawfſirch Neob-Megapol.  
Duc. Pæd. Ster. Sr.

---

**L**ethifera mortis fauces cum gurgite solvunt  
Vincula, spumanti, corporis ac anima;  
Mens redidida, sui memor ortus, patria visit  
Limina, qua dudum liquerat, acta procul.  
Non igitur Mors est, extremi saucia fati  
Hora tot arumnas ultima eum refecat.  
Spiritus aſt placidas animi mutatur in auras,  
Et repetit victor culmina celsa poli.  
Hos Defuncta tulit felix de morte triumphos,  
Funere quam tristi mors inopina tulit.  
Membra licet lateant, inquit, sub mole sepulcri,  
Mens tamen aternâ luce corusca micat.  
Hanc Pietas sequitur, Virtus comitatur, & augeſ  
Jubila ſublimi Gloria tripudiâ.

Daniel Pfeiffius Sedino-Pomer.

---

**S**ic est; Dura nimis gravisq; Parca  
Clotho volvit opus globô ligatum;  
Et favâ vice summa adæquat imis.  
Non illam retrahunt Lydi Midæve  
Aut Cræſi aut Aræbum recentiores  
Gaza, & quod Tagus aureis harenis  
Euphratesq; vehit nitens Smaragdis;

Aut

Aut Hermus rutilante donat auro,  
Aut Indus calido propinquus orbi.  
Nec Virtus potis est fugare atrocis  
Parcæ stamina, nec severa Pallas;  
Qvin natum Nasamoni; Tonantis  
Angustum pariter premat sepulcrum;  
Nec supplex Priami potentis aurum;  
Qvamvis Sidonio superbus Ostro  
Se comat Nero dulcibus theatris,  
Jussi præcipitem subire Lethen.  
Et celsas igitur ferire turreis,  
Atq; æquò pede pauperum tabernas  
Immanis solita est movere Clotho.  
Qvin & verticibus perenne nostris,  
Ceu saxum grave Tantalo minatur,  
Immensisq; quatit sedens in umbris  
Urnas Æacus inferosq; placat.  
Nec cessavit adhuc cruenta Parca,  
Dum suis jaculis piam necavit  
MATRONAM Generis nitore dignam;  
Qvæ recondita in hoc cubat sepulcro,  
Qvalem blanda Venus daretq; Juno  
Censu sanguine, gratiâ perenni,  
Formâ atq; ingenio suo decoram.  
O dirum scelus! ô scelus! TIBI MET  
Cum non Parca pepercerit; Qvis unquam  
Vere stamine liber à tuo sit?  
Debet, Parca nocentior (quia hoc est  
Immutabile) Cæsar ipse filo  
Condonare tuo, minus tui exors.  
Ne mœstæ lacrumis genæ recessum  
Turbent. SCHVVALGIADUM GENUS peremptum  
Felix Elisij tenetur oris.

*Petrus, Poleman, Sed. Pom.*



**O** Tristes sortes! ô lamentabile fatum!  
Vita homo nil, constans quod queat esse, tenet;  
Cuncta sed adversis afflat fors lubrica ventis;  
Cumq; labore dolor, cumq; dolore timor.  
His quassata lubens bene jam defuncta reliquit  
Mundi vana, petens splendida tecta poli;  
Splendida tecta poli, sedes ubi fata quietas  
Ostendunt verâ Relligione Pys:  
O igitur felix, verèq; beata! beati  
Sic omnes illi, quæis bene cura mori.

Condolens apponebat

Johannes Jebben Sonderburg. Holsatus.

---

**V**idi Egomet vestrum, dilecte ô Patruæ, Amorem  
Mutuum, & ex animò latus abundè fui.  
Jam lacrimas video, quas tu Patruæ inclite,  
fundis

Conjugem ob extinctam, quæ tibi chara fuit.  
Hinc etiam tecum, meritò jam lugeo. Certè  
Altera [prò!] Mater mortua namq; mihi est!  
Jova Tibi præstet solamina, firma, Tuisq;  
Te servet vivum, servet itemq; mihi.

Debitæ observantiæ & gratitudinis ergo  
cum gemitu & lacrimis fundebat

Samuel Gotbfridus Hempelius.

F I N I S.



